

荆駝逸史

錦章圖書局
印行

荆楚述史

中華書局
印行

東林本末序

書共六卷存陳其年維崧太史家

東林者門戶之別名也門戶者又朋黨之別號夫小人欲空人國必加之以朋黨於是東林之名最著而受禍為獨深要亦何負於人國哉東林爭言真偽其真者必不負國家偽者反至負東林此實何歟蓋起事至五六十年相傳多失其寔於是而有偽者亦勢使然也今之所為東林者又一變往時欲錮之林下者今且下及草野夫盛世豈有黨錮之事何論朝野亦辨其真與偽而已矣余於是條次其本末以使觀者有所考而感焉

東林事畧上

無名氏撰

門戶始末

始自並封至丁巳京察未及烈廟也

嘗觀國家之敗亡未有不起於小人傾君子之一事而小人之傾君子未有不托于朋黨之一言漢有顧厨俊及唐有清流白馬之禍宋有新法偽學所號為黨人流及之禍中於君子而國運隨之以亡興言及此真不知賈生之流涕盡而繼之以血也然黨錮之禍其流甚烈而其源有漸宋之黨錮極於元符而蔡襄四賢不肖之詩已為之端昭代之黨禍極于萬歷丁巳而嘉隆諸政府已開其漸故自張鳳磐名四維以前溯而上之如張太岳名居

正高中元名拱

徐存濟名階

嚴介溪名嵩夏桂洲名言

其權專其黨同伐異顯行於好惡

之間而人莫之敢議然其局專於攻擊前人故一相敗露而為其鷹犬為其斥逐者一轉盼而升沉互異是以君子不久錮林泉小人不終據要津也自申瑤泉時行以後遞而下

之如王荊石錫爵

張洪陽位趙澂陽貞吉

沈蛟門一貫

朱金門廣其術巧其黨同伐異詭

托于官府之內而人莫之能測又其局專於汲引後人故衣鉢相傳而為其所庇護所排擊者縱易地而用舍如前是以君子竟同碩果而小人終等延蔓也遠不具論試就萬歷間言之當鳳磐罷位申王當國而許顓陽名國預馬其朝議冊立天潢序定誰敢紊之而申王獻媚密主上王並封之說眾口爭之遂詆為黨矣後冊立既定工部主事某請造太

子儀仗會逢聖怒欲置之法時申王許逼于公論具疏救之申王又懼其忤上遂密揭諉過於許而不認前疏自謂陰陽其事神鬼莫知不謂上竟出其密揭以塞廷議而黃正賓以之發抄衆正糾之又詆為黨矣歲甲午申王既敗許亦致政改趙澈陽張淇陽當國而沈蛟門預焉一日張以其私人于主銓主銓者不聽會傳旨考察銓部者司盡罷職衆正薄之已而遼陽有倭變張沈主戰趙與石星主和議矣而主戰者又私一總戎李如梅會麻貴一日敗倭十一陣倭棲釜山疲困之極麻貴謂遼撫楊鎬曰今日乘勝一攻盡殲醜類矣時鎬因如梅未到鳴金收軍蓋鎬與如梅結盟懼其不得預功耳詰朝倭已結寨如梅始到鎬欲攻之麻貴不可謂倭已有備攻之必敗鎬不聽引兵而進倭用弩銃乘風迎戰鎬與如梅麻貴僅以身免遼陽精銳盡喪於此乃匿不以聞獨贊畫兵部主事丁應泰疏其實於朝叅張淇陽沈蛟門楊鎬等於是淇陽與鎬奉旨為民激隨死而蛟門獨留其禍遂烈乃考察丁應泰坐以不謹陷給事中徐觀瀾幾死并誣害觀瀾親家侍郎張養蒙罷職已而枚卜沈龍江名鯉朱金庭朱為蛟門之私人龍江乃聖心特眷者于是申瑤泉貽書蛟門曰藍面賊來矣盾備之蓋龍江居宗伯時與瑤泉相忤懼其銜已欲與蛟門謀陷之以龍江面青而黑故謂之藍面云然龍江方正清操無可齟齬適徽商程守訓等賄內使以礦稅動上龍江揭阻之甚力蛟門既欲聯上意又利稅使餽遺于是閣監四出海內騷動間有言者而蛟門之鷹犬如姚文蔚陳治則楊應文錢夢臯等承風順旨力為

排擠矣其大犯公論者有二一曰楚獄蓋自楚撫趙可懷先以家居占人田宅不容于鄉私奔長安重賂蛟門遂使可懷撫楚囑其曲護陳奉到日大失民心已而因楚藩以假王相計楚王與金錢進且賂蛟門諸藩惡其行賄也踰江奪之可懷遂坐以刼損不俟題請逕加慘刑諸藩執會典爭之而百姓恨其庇陳奉乘機逼殺之可懷蛟門遂坐諸藩以大辟者七繫高墻者數十殺戮太多輿情遂共憤一曰妖書夫妖書為越人趙士禎所刻蓋歸美蛟門有功東宮諸人不為山力獻媚耳初無他異蛟門乃以挑激聖怒大索京都一欲逼死沈龍江蓋以議稅礦不合也龍江曰妖書果自我造我當死於西市決不自經一欲逼死郭正域蓋正域發楚送蛟門禮事遂令兵圍其第宅下家僕于獄正域幾不保首領行至楊村復以快兵守之不得去其夫人脫簪珥令小女買薪米以給日用後得總漕李三才投解衆正忿其太險毒具疏叅蛟門丙午李三才亦疏論一貫及鯉不和有累聖政蛟門遂密揭逮問李三才沈鯉郭正域上驚曰如何為一閣臣逮一同官一侍郎一督臣一貫果病耶故批其告病疏云卿既病着俟後命蛟門始去位矣然懼龍江留必為後鳳乃陰賄司禮使臧龍江扯之同去又恐三才入掌總憲發彼妖書楚獄之失令姻婭邵輔忠叅之以去在蛟門之忿消矣而蛟門之黨如錢夢臯等向賴蛟門而留一旦蛟門歸失其所庇惟恐辛亥之察大不利于羣小於是以東林為網以淮撫秦為目結成一大網無人不推入其中而察前先發以自保者則有王紹徽鄭繼芳劉國縉金明時用中錢

策劉時俊若而人察後謀翻者則有秦聚奎朱一桂喬應甲徐兆魁周永春姚宗文張鳳彩彭維城孫紹吉陶子顧馬從龍王三善有京王萬祚曾陳易周達高節若而人所賴主銓諸賢拚却一官力結此局而小人之忿愈逞君子之身愈危迨考選一下元兇劉廷元李徵儀潘汝楨等或借釁于湯韓指賓尹及敬而浙宣合或乘機于荆熊而楚秦合或排擊於顧李而三吳合假忝詩教為戎首倚方中涵為太山誣以四兇詆為五鬼屏力斥去大臣如孫丕揚王圖孫瑋王象乾吳達可翁正春張養蒙孫慎行吳桂芳葉台山崔景榮徐宗濬陳薦次第逐矣京堂如朱吾弼胡忻葉茂才朱國禎朱世禎郭昌朱廷禧南師仲朱光祚馮上知歐陽東鳳吳正志金士衡吳炯等次第逐矣科臣如曹于忬李瑾張國儒李成名孫振基張鍵梅之煥麻喜段默熊明遇張篤敬韓光佑次第逐矣臺臣如孫居相湯沅京吳亮彭端吾李邦華周起元徐良彥呂圖南陳一元王時熙馮孟禎劉若星魏雲中張五典吉人劉蘭史學遷荆養喬史記錢眷潘之祥未盤吳良輔吳允中等次第逐矣部寺如孫鼎相鄒存謙劉崇文張鳳張養才鮑應鰲韓萬象賀烺沈正宗李撲涂一揆常澄龐時雍劉宗周等次第逐矣至丁巳己未兩察私惡所加不必循例主有未任而懸坐以不謹如李炳恭者有在不數月而妄誣以不謹如丁元薦潘之祥者禁錮考選六七年不下復借名題差陽為轉通陰實斥逐勢孤而言不敢發差出而發不敢盡致有株守日久貧病而死者有棄之而去者而現在臺省則一人常兼數差俸近必陞京堂好官惟我做盡

國事聽其日非世界如此宜 首一舉而城堡社稷危矣要皆起於蛟門龍江邪正不合成於蛟門私人畏辛亥京察清議難容故其黨必先發以傾正人而身固其官卒之主察者執持不阿小人愈悉又見南察抑正伸邪而北察既竣一二敗羣之夫如許宏綱涂懋衡陽說陰施側身宋小於是僉壬之焰愈張朝廷之正人不得安其位山林之下并不能安其身而天下之大事去矣詩云人之云亡邦國殄瘁豈不痛哉乃邪正之消長政府其本而京察則其候也已亥以孫龍為冢宰溫純為總憲趙南星為考功止有項應祥未歸于正然蓬生麻中卒之黜陟稱平迨至乙巳蛟門力庇私人錢夢阜等所賴揚時喬總憲溫純考功郎劉一琨掌道吳達可持正不阿雖吏垣侯慶遠事後持之不堅諸微旨留用然而公論已稍伸矣辛亥京察冢宰則孫丕揚而署總憲則許宏綱也考功郎王宗賢吏垣曹于忭湯北京雖眾正在事而邪氛已煽君子處強弩之末小人當蜂起之初至丁巳已未方中涵為政鄭繼之趙煥掌銓事李志掌院事趙士諤為考功郎韓浚掌道事徐紹吉為吏垣而居間把持一手握定者惟劉廷元李徵儀元詩教而已其於正人君子若風掃殘雲雨摧壞塊靡有子遺焉故己亥尚矣乙巳則宋之熙寧元豐也邪正互立而邪不勝正辛亥則元祐紹聖之交君子日退小人日進而正不勝邪矣丁巳則宋之元符建無君子之踪而家蒙黨錮之禍徽欽履輒恐不旋踵矣

東林事畧

中

無名氏撰

張江陵敗後諸不得志於江陵者悉被顯擢一時氣節之士銳然以盪滅餘黨為事張蒲州名四維實左祖之而茂苑申公名時行素為江陵所信愛其黨非衆所指名者申輒默為地以免蒲州亦不久罷去以故衆議紛紛將移師向申吳諸君子中鄒元標稱首其所建白多禁切主上者上既不堪申因擠出之又令人構趙用賢等使自相攻於是吳中行遂仇用賢而江東之李植亦內不相善新進附和居臺省輒以年例外遷士氣亦益衰矣初東倉王公名錫爵以營救吳趙為江陵所忌故諸君子共推轂致大拜計且藉以抗申也一旦反面與申合諸人申所欲斥申不自發輒授意王使訟言排之諸君子皆愕出意外猝無以抗也會丁亥內計主計者希申旨疏申所怒十九人欲悉中之銓曹無異議獨河南道御史王國意不可乃起其黨馬元登補河南道事馬故在國之前遂掌道事一日諸御史並會堂上元登書十九人姓名示同列曰諸人亦可謂公論難容矣王國熟視叱之曰諸人皆骨鯁無罪之臣罪獨失申相公意耳青天白日何出此魅語直前欲奉之元登遂走王國逐之環其室廡一匝於是元登與國悉外補而十九人得不廢迨申相國謝事王東倉為政諸人皆或進或退終莫能遂其志願會王相國稱病文選郎中顧憲成乘間悉進諸人官奏輒得可時趙用賢為東倉計遂且死吳中行亦久廢不用而沈思孝江

東之李植王士性輩則各奮起彬彬列卿寺矣思孝素善太宰孫丕揚王國屬思孝言於太宰令推已巡撫太宰未許也國疑思孝不為言怨之構思孝於太宰太宰頗疑思孝一日思孝等五人會於某勲臣家思孝掌工部事入內會計上一費以是後至坐定王國驟問曰吾諸兄弟同心而公獨屢進官也思孝曰吾向亦疑之今日某內臣言我在大理鞫某事稱上旨上進閱惡人簿除我名矣惡人簿者蓋申王二相國去位時疏不相善姓名密白之上者也王國怒曰汝背我等附新建得遷乃以是欺我衆唯唯遂罷會于是國與李植遂攻思孝獨江東之王士性與思孝善如故也乙未秋外計考功郎蔣時馨者鄒元標沈思孝等所卵翼者也至是亦攻思孝與國等合白太宰相欲除丁此呂沈敘等以為貪頑比古之四川此呂與敘本跣跣士此呂為尤與思孝善之孝揚言於朝欲救之故事計典將行主計者發單于臺諫人一紙令各列所見聞應察治者會議之此呂單坐賕數萬然無主名蓋時馨與其黨私造者也時馨恐不勝思孝等乃持此呂單白太宰奏之此呂由是坐謫戍然自公卿以下皆重其宿名爭出祖道御史趙文炳因刻時馨賕罪時馨亦遂罷職時侍郎呂坤張養蒙皆西人有氣勢為後進所嚮附善太宰而仇疾思孝等養蒙呼文炳恐嚇之文炳即具目首前劾時馨疏乃江東之屬草令臣書奏者也臣負陛下上不問而思孝等則益孤時會東之植皆擢巡撫以出王國與士性亦並推巡撫王國首推顧不得士性得之心不安疏稱病以官讓國有旨調士性南京而切責之國調外任思

孝獨與其里人樂元聲累數十疏攻呂坤等及與諸臺諫古戰良久苦之上積怒臺諫多妄言實不任事次相張新建名有頗倚思孝乃聳上勅部院盡疏臺諫名上上親察之逐

數十人思孝雖頗以為得意然亦不安其位矣遂與丕揚並謝去思孝從此遂廢新建不

久亦得罪去自後好名喜事之徒皆依倚西北謂之正人君子沈歸德為次相溫純為總

憲身為標的招集賢良以引同類而首相沈四明名一貫承王東倉趙蘭溪之後布列私

人在要地共相與扼之會楚人郭正域掌禮部謂楚王非宗室裔其疎宗方上奏訐正域

為之謀主欲遂革正之然王已立三十年事遠証不具四明及諸卿臺諫皆受王賂遺莫

肯從正域議者無何妖書事起四明乘上怒欲陷歸德沈鯉及正域悉取其往來遊客考

繫之正域狼狽走歸幾及于禍獨部郎于王立左右之亦被斥王立者名家子少喜事自

前輩也用皆即端之為忘年交嘗鞠寧以事因譴書罪撫魏學曾葵得可學曾西人也以

故至以雖江南人特為西北所欽信特顧憲成罷歸之於錫山創書院招集士紳講

學其中其經生之所知者絕無足聽也徒相與臧否人物議國政冀當國者聞而之

王立既叅議其中則往往致西北之同志者令多方奏論之以故附四明用者輒罷去四

明度不能留內外計與已輒為郎院明特不能自王及山陰朱賡益懦且老不為眾所服

於是謀復召東倉以中旨下之而于東而慎行李晉江延機葉福清向高亦而日月焉君

江獨在京師得方人福清方到故事心疏爵顧憲成為文二等號曰夢語寐語誠四之江

西叅政姜士昌到之賀人遂疏幼錫爵再居相位徧復忌刻權抑人才不官復月不以一
機大抵推顧憲成旨也東阿以拜官入卒不與政福清亦無根柢於舊相持東林者十有
人九益相與咀嚼東倉山陰晉江令不得在位并其黨斥逐始盡而福清遂獨秉政海內
皇皇以起廢一事望之福清度不能得請請亦不力也東林暨西北人士所屬望為冢宰
總憲者曰淮撫李三才三才與王國有睚眦之隙國恨之深對罵不絕口國之弟圖翰林
掌院事與福清善國亦不信其言下大雲之心始內離矣先是浙人以趙沈朱三相故為
西北孔標困阨日久而西北人方并合勁楚延攬東江浙人雖恨之不能報也會南給事
中段默官翰林顧天俊為愈詞數千言奏詆之天俊與內官李騰芳相期許兩人皆郭正
域所小也騰芳疏言臣與天俊同志天俊被詆臣義不得獨留遽棄官去段遂并攻李恐
不勝輒走東林求助東林許之丁是正來而曰東林私我所憎攻我所親豈與我為難耶
遂切齒東林西楚之雄後來者始不附矣浙人乃令其黨說王國曰當今與公爭權者李
三才耳吾等為公盡力攻三才公當為後勁國此時方巡撫畿輔日夜削牘走京師毀訾
三才其弟圖諷之曰攻淮撫者攻吾兄弟者也國叱不聽于是攻與救者日夜相構宛若
兩敵國者互指為奸邪為盜賊上官以數十而三才卒用是困矣時孫丕揚復起為太宰
御思孝不已顧憲成貽書勸之欲令酒淮思孝復引同心則依附者自解且宜擁衛三才
勿墮他人計而不揚信國語怒不省而好事者遂錄其書傳天下東林由是與浙為怨府

浙人欺丕揚老聾給令發單訪東林得失王圖連夜叩扉激丕揚曰若然先生五十年立朝名節一旦盡矣丕揚悟止不發自是楚浙並側目於圖時朝中猶斥浙人為四明之黨以故每事不敢先發往往推楚人為軍鋒而乃芟刈之顧李已罷詞林久次者前後為臺王所謫無完人宣城湯賓尹入館纔四五年以前輩寥落頗自負益折節下人以故顧李安附之欲倚以屈王圖辛亥內計王圖掌院事遂斥賓尹翰林而丕揚主察明督諸曹察治楚浙黨被斥者甚衆餘人不服聞然而賓尹等七人稱寃章日上獨憲成門生丁元薦抗言謂七人宜察救者非是于是臺諫同聲擊元薦元薦與辨往復數番卒以病告罷丕揚圖亦相繼去矣是時西北東林日益衰謝楚浙之黨蔓引他省王立身被數十疏猶日出倚使其門生故人伺釁攻之不肯遂已後憲成死福清亦罷相方德清從哲用事臺諫有東林者盡出他傍附者皆以法謫向之罪申王四明者皆不復計及而東林獨為天下大忌諱矣

外史氏曰祿位無常一興一衰固也賢愚是非亦隨以遷謫謂之何哉往者江陵以前嗣相位者必反前人之政進其所忌退其所暱申王以後轉相擁護久而不敗議者比之傳鉢沙門信夫前相用廷杖鉗天下之口被杖者卒成名士乘間蹈暇遂起為難申王去廷杖凡得罪者謂之欽降官員終身不敘遂皆先死不振覆車戒前抑善自為謀哉然朱山陰以前臺諫雖詆訾內閣內閣終亦有所持不為役使福清之掃崑宣德清之盪東林曾

有一毫已意行乎其間也哉吁可哀也已

東林事畧本末論七首

按此論始自鄒南阜諫十情至三朝要典而止

江陵奪情

論曰予追溯東林所自始而本之於爭奪情以其為氣節之倡也夫江陵之鋒觸之立碎諸君子豈甘以其身為劉安成之續哉扶國紀而明人倫雖身死何惜則吉水即為後日之講學當其發抗憤之際雖聖人所謂朝聞夕死者有以加乎吳中行趙用賢沈思孝及樸後有用不用要之為忠臣義士也江陵敗而後之東國者如用如婁又一異矣無江陵之橫而有其擅非江陵之才而多其妬起而角之者非黜則錮於是林巖之間賢詰相望其諸君子進不得用退而有明道聚徒之樂此誰使之而又黨之噫甚矣天啟間耆老僅存者尚秉用未幾黨錮興而寔發難於吉水則夫以此始亦以此終者其是謂之歟或謂予吉水晚節稍異甫至京即文福清以復江陵謚為首務且悔其論劾為少年客氣予曰是何言哉是何言哉後以問方侍御侍御曰先生為總憲莅任諸御史皆在坐先生曰江陵之不守制罪也予往時不得不論由今思之則江陵未嘗無功謚亦不可不復諸君以為何如時諸御史皆服先生無成心其始終皆為國也嗚呼由侍御之言觀之此所以為東林哉

三王並封